

**«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔԱՂԱՔԱՑԻԱԿԱՆ  
ՕՐԵՆՍԳՐԸՈՒՄ ՓՈՓՈԽՈՒԹՅՈՒՆ ԵՎ ԼՐԱՑՈՒՄ  
ԿԱՏԱՐԵԼՈՒ ՄԱՍԻՆ» ԵՎ «ՇԱՐԺԱԿԱՆ ԳՈՒՅՔԻ  
ՆԿԱՏՄԱՄԲ ԱՊԱՀՈՎՎԱԾ ԻՐԱՎՈՒՆՔՆԵՐԻ  
ԳՐԱՆՑՄԱՆ ՄԱՍԻՆ» ՕՐԵՆԸՈՒՄ  
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ»  
ՕՐԵՆՔՆԵՐԻ ՆԱԽԱԳԻԾ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**

**ՕՐԵՆԸ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔԱՂԱՔԱՑԻԱԿԱՆ ՕՐԵՆՍԳՐԸՈՒՄ  
ՓՈՓՈԽՈՒԹՅՈՒՆ ԵՎ ԼՐԱՑՈՒՄ ԿԱՏԱՐԵԼՈՒ ՄԱՍԻՆ**

**Հոդված 1.** 1998 թվականի մայիսի 5-ի Հայաստանի Հանրապետության քաղաքացիական օրենսգրքի (այսուհետ՝ Օրենսգիրք) 14.1-ին գլուխը ուժը կորցրած ճանաչել:

**Հոդված 2.** Օրենսգրքի 15-րդ գլխում լրացնել նոր՝ 230.1-ին հոդված՝ հետևյալ բովանդակությամբ.

**«Հոդված 230.1. Շարժական գույքի գրավի առանձնահատկությունները**

1. Շարժական գույքի գրավը օրենքի կամ պայմանագրի ուժով, ի ապահովումն պարտավորության կատարման, անշարժ չհամարվող գույքի կամ գույքային իրավունքի կամ պարտավորական իրավունքի նկատմամբ պարտատիրոջ իրավունքն է:
2. Շարժական գույքի գրավի պայմանագրով շարժական գույքի գրավի առարկայի նկարագրությունը լինում է ընդհանուր կամ որոշակի:
3. Շարժական գույքի գրավի առարկայի ընդհանուր նկարագրությունն սահմանելիս պայմանագրում նշում է կատարվում ողջ գույքի կամ գույքի առանձին տեսակների կամ որևէ հատկանիշով պայմանավորված գույքի խմբի մասին, որը հանդիսանալու է շարժական գույքի գրավի իրավունքի առարկա: Շարժական գույքի գրավի առարկայի ընդհանուր նկարագրությունը պետք է համապատասխանի շարժական գույքի գրավի առարկայի կազմում ընդգրկվող գույքի նկարագրությանը և հնարավորություն ընձեռի ողջամտորեն նույնականացնելու գույքը դրա նկատմամբ բռնագանձում տարածելու պահին:
4. Շարժական գույքի գրավի առարկայի ընդհանուր նկարագրությամբ պայմանագրում, շարժական գույքի գրավի առարկայի ընդհանուր նկարագրությունից բացի, պետք է նաև նշվի պայմանագրի կնքման

պահին շարժական գույքի գրավի իրավունքի առարկայի ընդհանուր արժեքը, եթե այլ բան նախատեսված չէ պայմանագրով: Պայմանագրի գործողության ընթացքում շարժական գույքի գրավի առարկայի կազմը կարող է փոփոխվել, ներառյալ՝ շարժական գույքի գրավի առարկայի կազմում ընդգրկվող գույքը կարող է օտարվել պայմանագրով սահմանված՝ շարժական գույքի գրավի առարկայի ընդհանուր արժեքը չնվազելու պայմանով, եթե այլ բան նախատեսված չէ կողմերի գրավոր համաձայնությամբ:

5. Շարժական գույքի գրավի առարկայի ընդհանուր նկարագրությունը սահմանված լինելու դեպքում շարժական գույքի գրավի առարկայի կազմում ընդգրկվող գույքն օտարելու պահից դադարում է լինել շարժական գույքի գրավի առարկա, իսկ պայմանագրում նշված գույքի խմբին կամ գույքի տեսակներին պատկանող գույքը պայմանագրով սահմանված՝ շարժական գույքի գրավի առարկայի ընդհանուր արժեքի սահմաններում դառնում է շարժական գույքի գրավի առարկա, եթե այլ բան նախատեսված չէ օրենքով կամ պայմանագրով:
6. Շարժական գույքի գրավի առարկայի ընդհանուր նկարագրությունը չի կարող սահմանվել ձեռնարկատիրական գործունեության հետ չկապված (սպառողների հետ կնքվող) պայմանագրերից բխող պարտավորությունների կատարման ապահովման համար կնքվող պայմանագրերում:
7. Շարժական գույքի գրավի առարկայի արժեքից բավարարում ստանալու նախապատվության իրավունքը որոշվում է միասնական գրանցամատյանում գրանցված շարժական գույքի գրավի իրավունքի գրանցման առաջնահերթությամբ, եթե այլ բան նախատեսված չէ սույն օրենսգրքով կամ ապահովված անձանց (պարտատերերի) միջև կնքված պայմանագրով:
8. Շարժական գույքի գրավի իրավունքի գրանցումն առաջացնում է նախապատվության իրավունք սույն շարժական գույքի նկատմամբ չգրանցված ապահովված իրավունքի նկատմամբ, եթե այլ բան նախատեսված չէ սույն օրենսգրքով կամ ապահովված անձանց (պարտատերերի) միջև կնքված պայմանագրով:
9. Ապագայում ձեռք բերվող շարժական գույքի առարկայի նկարագիրն ընդհանուր լինելու դեպքերում շարժական գույքի նկատմամբ նախապատվության իրավունք ունի այն անձը, ում ֆինանսավորմամբ ձեռք է բերվում շարժական գույքը:
10. Պարտապանի կողմից շարժական գույքի գրավի առարկա հանդիսացող շրջանառության մեջ գտնվող շարժական գույքն օտարելու ժամանակ գրանցված ապահովված իրավունքը տարածվում է այդ առարկայի օտարումից ստացված միջոցների վրա, եթե այլ բան նախատեսված չէ կողմերի համաձայնությամբ:
11. Գրանցման եղանակով նախապատվության իրավունք ձեռք բերած անձի կողմից շարժական գույքի գրավի իրավունքը զիջվելու դեպքում այն ձեռք բերած անձի համար նախապատվության իրավունքը շարունակվում է:
12. Շարժական գույքի գրավի նկատմամբ իրավունքի գրանցման հետ կապված հարաբերությունները կարգավորվում են շարժական գույքի նկատմամբ իրավունքների գրանցման մասին օրենքով:
13. Սույն հոդվածով սահմանված կարգավորումները չեն տարածվում տրանսպորտային միջոցի, բանկային հաշվի, դեպոզիտի (ավանդի),

ինչպես նաև արժեթղթի գրավի հետ կապված հարաբերությունների վրա:

**Հոդված 3.** Սույն օրենքն ուժի մեջ է մտնում 2024 թվականի հուլիսի 1-ից:

## **ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**

### **ՕՐԵՆՔԸ**

#### **ՇԱՐԺԱԿԱՆ ԳՈՒՅՔԻ ՆԿԱՏԱՍԲ ԱՊԱՀՈՎՎԱԾ ԻՐԱՎՈՒՆՔՆԵՐԻ ԳՐԱՆՑՄԱՆ ՄԱՍԻՆ ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

**Հոդված 1.** «Շարժական գույքի նկատմամբ ապահովված իրավունքների գրանցման մասին» 2014 թվականի դեկտեմբերի 17-ի ՀՕ-263-Ն օրենքի վերնագրում և ամբողջ տեքստում «ապահովված իրավունքներ» բառերը և դրանց բոլոր հոլովածները փոխարինել «գրավի իրավունք» բառերով՝ համապատասխան հոլովածներով:

**Հոդված 2.** Սույն օրենքն ուժի մեջ է մտնում 2024 թվականի հուլիսի 1-ից: